



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1601. usque ad annum 1605

Fleury, Claude

August. Vind. [u.a.], 1776

VD18 90118790

§. 174. Synodus Archidioecesisana Pragensis.

[urn:nbn:de:hbz:466:1-67204](https://nbn-resolving.org/urn:nbn:de:hbz:466:1-67204)

stituant: denique actum de continuanda fabrica Seminarii pro Clericis & Nofocomii pro Sacerdotibus senio confectis aut ad Ecclesiae ministeria incapabilibus.

Sæc. XVII.
A. C. 1605.

§. CLXXIV.

Synodus Archidiœcesana Pragensis.

Denique ad Ecclesiae Bohemae disciplinam utilissima juxta ac celeberrima habebatur Synodus Nationalis, qualis a tempore Ernesti I. Archiepiscopi Pragensis, qui ante Zifskanas turbas seu ante ducentos & complures annos hanc rexerat Ecclesiam, celebrata non fuit, Archiepiscopis aut bello aut præmatura morte præpeditis. Hanc vero hoc anno Sbigneus Archiepiscopus ad diem vigesimam octavam Septembris edixit, ac triduum protraxit. Scopus primarius, quo Sacri Concilii mens & conatus collimabat, erat Cleri reformatio, atque integritas Romanæ fidei procuranda: Jam anno priori Clemens Octavus Papa die decima quarta Octobris Sbigneum datis literis hortabatur, ut postpositis ceteris curis Synodum proxime indiceret, eo quod hæresum pestis tam longe lateque progressa esset, atque Ecclesiasticorum corrupti & depravati mores adeo ibi excrevissent, ut
Schanat. ibid.
 nulla

Sæc. XVII. *nulla fere Ecclesiasticæ disciplinæ vestigia*
A. C. 1605. *supereffe videntur.* Igitur Archipræ-

habita oratione suam moram negotiis
 quamplurimis fere quotidie emergenti-
 bus excusans, se ad maturandam hanc
 Synodum a Paulo V. Papa admonitus
 ac Rudolphi II. Cæsaris patrocínio ab-
 jutum enuntiabat: Postmodum pluri-
 ma triginta quinque titulis comprehen-
 sâ condidit decreta, ex quibus præci-
 pua delibamus. Inhibitum itaque, ne
 Christiani ad convivia, nuptias, vel
 dies festos & Synagogas Judæorum ac-
 cedant, aut cum eis ludant, choreas
 ducant seu in eorum famulatu sint, nec
 pecuniam apud Judæos deponant. Mo-
 net etiam Synodus Concionatores, ne
 in arguendis vitiis quempiam expressis
 aut tacitis verbis commonstrantes de-
 sectentur, ne odio potius, quam ac-
 marum salute ad id adduci videantur.
 Præterea præter alia festa omnibus Ec-
 clesiis communia Synodus etiam com-
 numerat duos dies ad Pascha & Pente-
 costen proxime subsequentes omnis Ss.
 Innocentium, Josephi, Nicolai, Mar-
 tini, & Catharinæ festivitibus: in
 verni autem jejunii diebus non modo
 a carnibus, sed & lacticiniis & in cæca
 a cibis coctis abstinendum declarat,
 usum quoque aquæ benedictæ summo-
 pere commendat, Parentibus injungens,
 ut

ut mane & vesperi proles suas ea asper- Sæc. XVII.
gant. Fenestras quoque omnes, per A. C. 1605.
quas Missa a deforis stantibus audiri
posset, obstrui præcipit, Parochisque
injungit, ut si prolem ex illegitimo thoro
natam Baptizaverint, non Patris sed
Matris tantum nomen libro Baptismali
inferant, sique Sacram Synaxin ad in-
firmum deferunt, eidem Crucem ado-
randam porrigant, priusquam Sacram
Communionem præbeant. Insuper in-
ter casus Episcopo reservatos annume-
rat Synodus, si aliqui post sponsalia ante
legitimum matrimonium sese carnaliter
cogoverint, aut cum Moniali solo e-
tiam tactu peccaverint, vel in quadra-
gesima publice & cum scandalo carnes
comederint. Clericis etiam suis inhi-
bet, ne cum hæreticis & præsertim cum
hæreticorum Prædicantibus frequen-
tem consuetudinem habeant, neve cum
eis cibum capiant; *hujusmodi enim fa-
miliaritas Laicis præsertim rudioribus scan-
dalo esse posset, caveant quoque, addit
Synodus, a mutuo commercio cum iis, qui
Wittembergæ, Lipsiæ, seu aliis ejusmodi
locis sunt non legitime ordinati; ii enim,
cum hæretici sint, hæresum venena evomere,
Calvinismum introducere non desinunt.* Plu-
ra alia, eaque saluberrima decreta
fuere condita, quæ tamen passim alibi
statuta leguntur.

Hist. Eccles. Tom. LIII. Uu §. CLXXV.